




册府元龜

卷之七十一
至二



1 3
849
26



43
849
26



册府元龜

淮南李嗣京叅閱

西極文翔鳳訂正

豫章黃國琦較釋

帝王部

七十一

命相

天生蒸民櫛之以君而司牧之必選賢舉能而為之輔
弼故天有三台之象易有鼎足之義所以佐天子理
陰陽親萬民也武丁命傅說則曰朝夕納誨以輔台
德穆王命君牙亦曰今命爾子翼作股肱心膂此古

先哲王命相之旨也昔者帝王得六相而天地理神明和虞舜亦舉八元八愷而百揆時序內成外平自時厥後或非其人而望興化若緣木求魚登山採珠不可得也故歷代以還寅亮天工登翼王室者不亦重乎

黃帝得蚩尤而明乎天道得太嘗而察乎地利得奢龍而辨乎東方得祝融而辨乎南方得太封而辨乎西方得后土而辨乎北方得六相而天地治神明至

一云置左右太監監于萬國

虞舜即天子位曰咨四岳有能奮庸熙帝之載奮起庸功

載事也訪群臣有能起發其功使宅百揆亮采惠疇

廣堯之事者言舜曰以別堯之官信立其功順其事者誰乎兪曰伯禹作司空四岳

同辭而對禹代伯為崇伯入為天子司空治洪水有成功言可用之帝曰兪咨禹汝平

水土惟時懋哉然其所舉稱禹前功以命之禹拜稽

首讓於稷契暨皋陶二臣各稽首首至地帝曰兪

汝往哉然其所推之賢不許帝曰棄黎民阻饑汝后

稷播時百穀阻難播布也衆人之難在於饑汝后稷布種是百穀以濟之美其前功以勉之

帝曰契百姓不親五品不遜五品謂五帝遜順也汝作司徒敬

敷五教在寬布五當之教務在寬所帝曰皋陶蠻夷

猾夏寇賊奸宄猾亂也夏華夏群行攻劫曰寇殺人之賊在外曰奸在內曰宄言無教之

致汝作士五刑有服

士理官也五刑墨劓剕宮大五辟服政也言得輕重之中正

服三就

既從五刑謂服罪也言刑當就三五流有宅處大罪于原野大夫于朝士于市

五宅三居

謂不加刑則流放之若四凶者五刑之流各有所居五居之差又有三等之差大罪

四裔次九州之外惟明克允

言皋陶能明信五刑施之外次千里之外惟明克允遠近蠻夷猾夏使咸信服

無敢犯者因禹讓

帝曰咨疇若予工兪曰垂哉

我百工事者朝

帝曰俞咨垂汝作共工垂拜稽首讓

於及斯暨伯與帝曰俞往哉汝諧

汝能諧和此官

岳疇若予上下草木禽獸兪曰益哉

上謂山下謂澤順謂施其政教

取之有時用之

帝曰俞咨益汝作朕虞

虞掌山澤之官

稽首讓於朱虎熊羆帝曰俞往哉汝諧

朱虎熊羆四臣垂益所讓

四人皆在元愷之中

帝曰咨四岳有能典朕三禮兪曰伯夷

禮

天地人之禮伯夷臣名姜姓

帝曰俞咨伯夷汝作秩宗

秩序宗廟也王郊廟

夙夜惟寅直哉惟清

夙早也言早夜敬思其職典禮施政教使正直而清明

伯拜稽首讓於夔龍

夔龍二臣名

帝曰俞往欽哉

然其賢不許讓

帝曰夔命汝典樂教胄子

胄長也謂元子以下至卿大夫子弟以歌詩蹈之舞

之教掌國子中和祇庸孝友

直而溫寬而栗

教之正直而溫和剛

而無虐簡而無傲

剛失入虐簡失入傲教之以防其失

詩言志歌永言

謂詩言志以導之歌其義以長其言

聲依永律和聲

聲謂五聲宮商角徵羽律謂六律六

呂十二月之音氣言

八音克諧無相奪倫神人以和

倫理也八音能諧理不措奪則神人咸和命夔使勉之

夔曰於予擊石拊石百

獸率舞

石磬也磬音之清者拊亦擊也舉清者和則其餘皆從矣樂感百獸使相率而舞則神人

和可

帝曰龍朕聖讒說殄行震驚朕師

聖殄絕震動也言我疾讒

說絕君子之行而動

命汝作納言夙夜出納朕命惟

允

納言喉舌之官聽下言納于上受上言宣于下必以信

夏禹既立舉臯陶且授政焉臯陶卒舉益任之政

殷湯初為諸侯舉伊尹作咸有一德

一云仲虺為湯左相

大戊立伊陟為相

伊陟尹之子

高宗武丁即位思復興殷而未得其佐三年不言政

事決定於冢宰

冢宰天官卿貳王事者

以觀國風夜夢得說

夢

賢相其名曰說

使百工營求諸野得諸傅巖

使百官以所夢之形象經營求

之于外野得之

作說命

命說為相仙以攝政

曰王宅憂亮陰三

祀陰默也居憂

既免喪其惟弗言

除喪猶不言政

群臣咸諫

于王曰嗚呼知之曰明哲明哲實作則

知事則為明智明智則能制作

天子惟君萬邦百官承式

天子待令百官仰法

王言惟作命

不言臣下罔攸稟令

稟受令亦命也

王庸作書以誥曰以台

正於四方台恐德弗類茲故弗言

恐臣下怪之故作誥類善也我正四

方恐德不善

恭默思道夢帝賚予良弼其代予言

夢

此故不言

乃審厥象俾以形旁求於天下

審所

與我輔弼良佐

說築傅巖之野惟肖

傅氏之岩在雲坂之界通

人刻其形象以四

道所經有瀾水壞道嘗使胥靡刑人築護此道

爰立

册符元龜

帝王部

卷之七十一

作相王置諸其左右

于是禮命以為相使在左右

命之曰朝夕納

誨以輔台德

言當納諫誨直辭以輔我德

若金用汝作礪

鐵須礪以成利

若濟巨川用汝作舟楫

渡大水便舟楫

若歲大旱用汝作

霖雨

霖三日雨霖以救旱

啓乃心沃朕心若藥弗瞑眩厥疾弗

瘳

開汝心以沃我心如服藥必瞑眩及其病作除欲其出公言以自警

若跣弗視地厥

足用傷

跣必視地足乃無傷言欲使為已視耳

惟暨乃僚罔不同心以

匡乃辟

與汝並官皆當倡率無不同心以庸正汝君

俾率先王迪我高后

以康兆民

言康正汝君使脩先王之

嗚呼欽予時命

其惟有終

敬我是敬修其職使有終

說復于王曰惟水從繩則正

后從諫則聖

言木以繩直君以諫明

后克聖臣不命其承

君能受諫

明臣不待命其承意而諫之

疇敢不祇若王之休命

史記曰武丁夜夢得聖人

名曰說以所見視群臣百吏皆非也於是迺使百工營求之野得于傳險中是時說為胥靡築于傳險見于武丁武丁曰是也得而與之語果聖人舉以為相殷國大治故遂以傳險姓之號曰傳說應邵註漢書云胥相也靡隨也言相隨坐刑也

周武王即位太公望為師周公旦為輔召公畢公之

徒左右王師修文王之緒業

康王為太子成王懼太子之不任乃命召公畢公率

諸侯以相太子而立之

穆王命君牙為大司徒

穆王康王孫昭王子

作君牙

君牙臣名

王若

曰嗚呼君牙

順其事而歎稱其名而命之

惟乃祖乃父世篤忠貞

服勞王家厥有成績紀於太嘗

言汝父祖世厚忠貞服事勤勞王家其有

成功見記錄書于王之太嘗以表顯之王之旌旗畫日月大嘗

惟予小子嗣守文武

成康遺緒亦惟先王之臣克左右亂四方

惟我小子繼守先王

遺業亦惟父祖之臣能佐助我治四方言已無所能

心之憂危若蹈虎尾涉于

春冰

言相業之大已才之弱故心懷危懼虎尾畏噬春水畏蹈危懼之甚

今命爾予翼

作股肱心膂

今命汝為我輔翼股肱心膂之旨言委任

續乃舊服無忝祖

考弘敷五典式和民則

繼汝先祖故所服忠勤無辱累祖考之道大布五嘗之教

用和民令有法則必

爾身克正罔敢弗正民心罔中惟爾之由

若汝身能正則下無敢不正民心無中從汝取中必當正身示民以中正

夏暑雨小民惟

曰怨咨冬祁寒小民亦惟曰怨咨

夏暑冬寒亦天之嘗道民猶怨嗟

厥惟艱哉思其艱以圖其易民乃寧

天不可怨民猶嗟怨治民其惟

難哉當思慮其難以謀其易民乃寧

嗚呼丕顯哉文王謨

歎文王所不謀大顯明

承哉武王烈

言武王業美大可承奉

佑啓我後人咸以正罔缺

文武之謀業大明可承奉開助我後嗣皆以正道無邪缺

爾惟敬明乃訓用奉若

于先王

汝惟當敬明汝五教用奉順于先王之道

對揚文武之光命追配

於前人

言當答揚文武光明之命君臣各追配於前令各之人

土若曰君牙乃

惟繇先正舊典時式民之治亂在茲

汝惟當奉用先正之臣所行故

事典文籍是法民之治亂在此而巳用之則民治之廢之則民亂

率乃祖考之攸行

昭乃辟之有乂

言當循汝父祖之所行明汝君之有治功

漢高祖初為漢王以沛相蕭何為丞相周勃為御史

大夫守滎陽

二年以大將軍韓信為左丞相與曹參灌嬰擊魏

四年拜中尉周昌為御史大夫後昌為趙相既行久

之高祖持御史大夫印弄之曰誰可以為御史大夫

者趙堯曰無以易堯易代也遂拜堯為御史大夫

五年將軍盧縮為太尉九月為燕王

十年高祖自將討陳豨音許反于代舞陽侯樊噲以功

遷左丞相

十一年淮陰侯韓信謀反關中呂后用丞相蕭何計

誅信高祖在邯鄲聞之使使拜丞相為相國絳侯周

勃為太尉

惠帝二年七月相國蕭何薨以齊相曹參為相國初

何病帝親自臨視何病因問曰百歲後誰可代君對

曰知臣莫若主帝曰曹參何如須臾曰帝得之矣何

死不恨矣及何薨參聞之告舍人趣治行舍人私屬官王家事

者趣音湜速也治行謂脩治行裝也吾且入相居無何使者果召參

六年十月以安國侯王陵為右丞相曲逆侯陳平為

左丞相

文帝元年以太尉勃為右丞相位第一左丞相平為

丞相位第二秦漢以前尊右而卑左以丞相灌嬰為太尉初勃

親以兵征呂氏功多年欲讓勃迺謝病帝怪問之平曰高帝時勃功不如臣又誅諸呂臣功亦不如勃願以相讓勃帝從之勃自知其能弗如平迺謝免相而平顯為丞相顯與專同
三年十月平薨帝復用勃為相
三年十二月丞相勃就國以太尉潁陰侯灌嬰為丞相罷太尉官屬丞相

四年十二月丞相嬰薨以御史大夫張蒼為相初蒼

代平陽侯曹窋音竹律切為御史大夫窋代廣阿侯任敖

代江邑侯趙堯任敖張倉曹窋為御史大夫皆呂后稱制附于此篇

七年以典客馮敬為御史大夫

十六年以淮陽守申屠嘉為御史大夫

後元二年八月丞相蒼免帝以皇后弟竇廣固有賢

行欲相之曰恐天下以吾私廣固久念不可而高帝

時大臣餘見無可者見謂見在之人乃以御史大夫申屠嘉

為丞相因故邑封為故安侯是月以開封侯陶青為

御史大夫

景帝二年六月丞相嘉薨八月以御史大夫陶青為

丞相左內史晁錯為御史大夫

七年六月丞相青免太尉周亞夫為丞相太尉劉舍

為御史大夫

中元三年九月丞相亞夫免御史大夫劉舍為丞相

太子太傅衛綰為御史大夫

後元元年七月丞相舍免八月御史大夫衛綰為丞

相衛尉直不疑為御史大夫

武帝建元元年六月丞相綰免魏其侯竇嬰為丞相

齊相牛抵為御史大夫

二年十月丞相嬰免三年太嘗許昌為丞相

四年武強侯莊青翟為御史大夫

六年六月丞相昌免武安侯田蚡為丞相大農令韓

安國為御史大夫

元光元年三月丞相蚡薨五月平棘侯薛澤為丞相

中尉張敖為御史大夫

元朔三年左內史公孫弘為御史大夫

五年十一月丞相澤免御史大夫公孫弘為丞相四

月河東太守九江番係為御史大夫

元狩元年樂安侯李蔡為御史大夫

三年二月丞相弘薨御史大夫李蔡為丞相御史張

湯為御史大夫

五年三月丞相蔡有罪自殺四月太子少府翟青擢

為丞相凡丞相自除四百太子少傅

元鼎元年二月丞相翟青有罪自殺太子太傅趙周

為丞相太子太傅石慶為御史大夫為丞相御史大夫

五年九月丞相周下獄死御史大夫石慶為丞相

六年齊相卜式為御史大夫一年貶為太子太傅

元封元年左內史倪寬為御史大夫八年卒

太初二年正月丞相石慶薨閏月太僕公孫賀為水

相相

六年正月膠東太守延廣為御史大夫二年有罪自殺

天漢元年濟南太守瑯琊王卿為御史大夫二年有罪自殺

二年二月執金吾莊周為御史大夫四年卒

征和二年四月丞相賀下獄死五月涿郡太守劉屈

釐為左丞相四年坐說

九月大鴻臚商丘成為御史大夫四年坐說

三年六月大鴻臚丞相屈釐下獄死四年坐說

四年六月大鴻臚田千秋為丞相四年坐說

後元元年二月治粟都尉桑弘羊為御史大夫七年坐謀

昭帝元鳳元年右扶風王訢為御史大夫七年坐謀

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

四年正月丞相千秋薨二月御史大夫王訢為丞相

大司農楊敞為御史大夫

五年十二月丞相訢薨六年十一月御史大夫楊敞

為丞相少府蔡義為御史大夫

元平元年八月丞相敞薨九月御史大夫蔡義為丞相

宣帝本始三年六月丞相義薨長信少府韋賢為丞

相大司農魏相為御史大夫

地節三年五月丞相賢免六月御史大夫魏相為丞

相太子太傅丙吉為御史大夫

神爵三年三月丞相魏相薨御史大夫丙吉為丞相

七月大鴻臚蕭望之為御史大夫 三年長為太子太傅

五鳳元年八月太子太傅黃霸為御史大夫

三年正月丞相吉薨二月御史大夫黃霸為丞相六

月西河太守杜延年為御史大夫 三年以病免

甘露二年五月廷尉于定國為御史大夫丞相霸薨

五月御史大夫于定國為丞相

三年三月太僕陳萬年為御史大夫 七年卒

元帝永初元年六月長信少府貢禹為御史大夫十二

月禹卒長信少府薛廣德為御史大夫 三年免

永光元年七月太子太傅韋玄成為御史大夫十一

月丞相定國免

二年三月以玄成為丞相右扶風鄭弘為御史大夫
五年有罪自殺

建昭二年光祿勳衡姓犯太祖廟諱上字下同為御史大夫初衡

為少傅數年數上疏陳便宜及朝廷有政義傳經以

對傳讀曰附言多法義以為任公卿任堪也繇是為光

祿勳御史大夫

三年六月丞相玄成薨七月御史大夫衡為丞相衛

尉李延壽為御史大夫三年卒一作繁

章寧元年三月太子少傅張譚為御史大夫三年坐選舉不

實成帝建始三年十月光祿大夫尹忠為御史大夫一年

坐河火自殺

十二月丞相衡免

四年三月右將軍王商為丞相

十一月少府張忠為御史大夫六年卒

河平四年丞相商免六月光祿大夫張禹為丞相

陽朔二年四月侍中太僕王音為御史大夫一年遷

鴻嘉元年正月少府薛宣為御史大夫三月丞相禹

免四月以薛宣為丞相京兆尹王駿為御史大夫五年

卒初駿為少府帝欲大用之出駿為京尹試以政事

而薛宣從左馮翊代駿為少府會御史大夫杜欽答

承奏言聖王不以名譽加於實效言不聽考績用人

之法言用人之法皆須考以功績薛宣政事已試上然其議宣為

少府月餘遂超御史大夫至丞相駿乃代宣為御史

大夫

永始二年三月京兆尹翟方進為御史大夫

十月丞相宣免十一月執金吾翟方進為丞相是歲

方進為御史大夫坐為京兆尹時奉喪事煩擾百姓

左遷執金吾二十餘日丞相官缺群臣舉方進帝亦

器其能擢方進為丞相封高陵侯食邑千戶是月以

光祿勳孔光為御史大夫七年貶為廷尉

綏和元年三月廷尉何武為御史大夫四月更為大

司空一年免大司馬驃騎大將軍王根為大司馬罷將

軍官七月免

十一月光祿大夫王莽為大司馬

二年三月丞相方進薨召左將軍光當拜已刻侯印

書贊贊進也延進而拜之書贊者善贊辭于策也帝不豫即其夜於大行

前拜授丞將博山侯印綬

十一月大司馬王莽免大將軍師丹為大司馬徙為

大司空一年免

哀帝建平元年四月侍中傅嘉為大司馬十月京兆尹朱博為大司空

二年三月傅嘉免四月甲午大司馬朱博復為御史

大夫乙未丞相孔光免復以博為丞相中尉趙玄為

御史大夫五月玄下獄論八月博有罪自殺九月光

祿勳平當為御史大夫十二月當為丞相京兆尹王

嘉為御史大夫初平當為光祿大夫諸吏散騎復為

光祿勳御史大夫至丞相以冬月賜爵關內侯明年

春帝使使者召欲封當

以冬月非侯時故且先賜爵關內侯也

而當薨

三年四月御史大夫王嘉為丞相河南太守崇為御

史大夫

九月

四年三月光祿勳賈延為御史大夫

一年

元壽元年三月丞相嘉下獄死五月光祿大夫孔光

為御史大夫七月以光為丞相泥鄉侯何武為御史

大夫

二月

八月光祿大夫彭宣為御史大夫

三年更名丞相孔光為大司徒大司馬衛將軍董賢

為大司馬

六月免

御史大夫彭宣為大司空

三月

平帝元始元年六月大司徒孔方為太傅右將軍馬

宮為大司徒新都侯王莽為大司馬八月右將軍王

崇為大司空

二年太傅孔光為太師太司馬王莽為太傅驃騎將軍王舜為太保二月少府甄豐為大司空

五年四月大司徒宮為大司馬十二月長樂少府平晏為大司徒

東漢光武建武元年七月辛未使使者持節拜前將軍鄧禹為大司徒策曰制詔前將軍禹涉執忠孝與朕謀謨帷幄決勝千里孔子曰自吾有回門人日親近將軍破平定山西功效尤著百姓不親五品不遜汝作司徒敬敷五教在寬今遣奉車都尉授封為鄴侯食邑萬戶敬之

禹時年二十四

丁丑以野王令王梁為大司空初議選大司馬而亦

伏符曰王梁主衛作玄武帝以野王衛之所徙

史記衛文

君自濮陽徙于野王玄武水神之名司空水土之官也於是擢

拜

八月甲申詔曰前密令卓茂束身自修執節淳固誠能為人所不能為大名冠天下當受天下重賞故武王誅紂封比干之墓表商容之閭今以茂為太傅封褒德侯邑二千戶

東觀記及續漢書皆作宣德侯

初帝即位先求訪

茂茂詣河陽謁見乃拜

二年二月乙酉大司空王梁免壬子以太中大夫案

弘爲大司空封栒邑侯

三年閏正月乙巳大司徒鄧禹免三月壬寅以大司徒司直伏湛爲司徒初帝卽位素知湛名儒舊臣欲令幹任內職徵拜爲書使典定舊制時大司徒鄧禹西征關中帝以湛才任宰相拜爲司直行大司徒事車駕每出征戎嘗留鎮守總攝群司及鄧禹免乃拜大司徒

五年十一月壬寅大司徒伏湛免尚書令侯霸爲大司徒封關內侯

六年十二月壬辰大司空宋弘免

七年五月戊戌前將軍李通爲大司空時光武方以吏事責三公故功臣竝不用是時列侯惟高密鄧禹膠東賈復及通三侯與公卿參議國家之事
十二年九月大司空李通罷十二月辛卯揚武將軍馬成行司空事

十三年正月庚申大司徒侯霸薨三月辛未沛郡太守韓歆爲大司徒丙子行大司空事馬成罷四月甲寅冀州牧竇融爲大司空

十五年正月辛丑大司徒韓歆免自殺丁未汝南太守歐陽歙爲大司徒十一月歙下獄死十二月庚午

關內侯戴涉為大司徒

二十年四月庚辰大司徒戴涉下獄死大司空竇融

免六月庚寅廣漢太守蔡茂為大司徒太僕朱浮為

大司空

二十一年十月壬子大司空朱浮免癸丑以光祿勳

杜林為大司空

二十三年五月丁卯大司徒蔡茂薨八月丙戌大司

空杜林薨九月辛未陳留太守玉况玉音為大司徒

十月丙申太僕張純為大司空

二十七年四月戊午大司徒玉况薨

五月丁丑詔大司徒司空府並去太字改大司馬為

太尉以太僕趙熹為太尉大司農馮勤為司徒

中元元年三月戊辰司空張純薨六月辛卯太僕馮

勤為司空乙未司徒馮勤薨十月辛未司諫較尉李

訢為司徒

明帝即位初詔曰方今上無天子下無方伯若涉澗

水而無舟楫夫萬乘至重而壯者慮輕實賴有德左

右小子高密侯禹元功之首東平王蒼寬博有謀竝

可以受六尺之託臨大節而不可撓其以禹為太傅

蒼為驃騎將軍

永平三年二月甲寅太尉趙熹司徒李新免丙辰左
馮翊郭丹爲司徒己未南陽太守虞延爲太尉
四年十月乙卯司徒郭丹司空馮魴免丙辰河南尹
范遷爲司徒太僕伏恭爲司空時帝臨立辟雍於行
禮中拜恭儒者以爲榮

八年正月乙卯司徒范遷薨三月辛卯太尉虞延爲
司徒衛尉趙熹行太尉

十二年七月乙亥司空伏恭罷乙未大司農牟融爲
司空

十四年三月甲戌司空虞延免四月丁巳鉅鹿太守

邢穆爲司空

十六年五月癸丑司徒邢穆坐事下獄死六月丙寅
大司農王敏爲司徒

十七年二月乙巳司徒王敏薨三月癸丑汝南太守
鮑昱爲司徒

章帝卽位初詔曰朕以眇身託於王侯之上統萬機
懼失厥中兢兢業業未知所濟深唯守文之主必見
師傅之官詩不云乎不愆不忘率繇舊章行太尉事
節鄉侯趙憙三世在位爲國元老司空牟融典職六
年勤勞不怠其以憙爲太傅融爲太尉竝錄尚書事

建初四年二月庚寅太尉牟融薨五月甲戌司空鮑

昱為太尉南陽太守桓虞為司徒

六年六月丙辰太尉鮑昱薨七月癸巳大司農鄧彪

為太尉

元和元年八月甲子太尉鄧彪罷大司農鄭弘為太

尉

三年四月太尉鄭弘免大司農宋繇為太尉

五月丙子司空第五倫罷太尉袁安為司空

章和元年六月戊辰司空桓虞免癸卯司空袁安為

司空

光祿勳任隗為司空

和帝即位初以故太尉鄧彪為太尉錄尚書事

永元四年二月癸丑司徒袁安薨閏月丁丑太嘗丁

鴻為司徒七月己丑太尉宋繇坐黨竇憲自殺八月

辛亥司空任隗薨癸丑大司農尹睦為太尉錄尚書

事十月宗正劉方為司空

五年十月辛未太尉尹睦薨十一月乙丑太僕張酺

為太尉

六年正月乙卯司空丁鴻薨二月丁未司空劉方為

司徒太嘗張奮為司空

九年九月庚申司徒劉方策免十一月癸丑光祿勳
呂蓋為司徒十二月丙寅司空張奮罷壬申太僕韓
穆為司空

十年七月己巳司空韓穆為司徒八月丙子太常巢
堪為司空

十二年九月戊午太尉張輔免丙寅大司農張禹為
太尉

十三年十一月戊辰司徒呂蓋罷十二月丁丑光祿
勳魯恭為司徒

十四年十月丁酉司空巢堪罷十一月癸丑大司農
徐防為司空

十六年七月辛酉司徒魯恭免庚午光祿勳張輔為
司徒八月己酉輔薨十月辛卯司空徐防為司徒陳
寵為司空

殤帝延平元年正月辛卯太尉張禹為司空徐防為
太尉參錄尚書事百官總已以聽

四月丙寅司空陳寵罷六月丁未太常尹勤為司空
安帝永初元年五月甲戌長樂衛尉魯恭為司空

九月庚午太尉徐防免辛未司空尹勤太傅張禹為
太尉太常周章為司空十一月丁未章謀廢立策免

自殺十二月巳卯潁州太守張敏為司空

三年三月壬寅司徒魯恭免四月丙寅大鴻臚夏勤

為司徒

五年五月巳丑太尉張禹免甲申光祿勳李脩為司

空

六年四月乙丑太尉李脩罷乙卯太嘗劉愷為司空

元初元年九月乙丑太尉李脩罷乙未大司農司馬

苞為太尉

二年六月丙戌太尉司馬苞薨七月辛巳太僕馬英

為太尉十二月巳酉司徒夏勤罷庚戌司空劉愷為

司徒光祿勳袁敞為司徒

四年四月戊申司空袁敞薨五月丁丑太常李郃為

司空

永寧元年十月司空李郃免辛酉衛尉陳襄為司空

十二月戊辰司徒劉愷罷癸酉太嘗楊震為司徒

建光元年七月壬寅太尉馬英薨甲子前司徒劉愷

為太尉

延光元年四月癸巳司空陳褒免五月庚戌宗正劉

授為司空

二年十月辛未太尉劉愷罷甲戌司徒楊震為太尉

四年三月乙酉北鄉侯即位四月丁酉太尉馮石為

太傅司徒劉熹為太尉參錄尚書事前司空李郃為

司徒

順帝即位初司空劉授免少府陶敦為司空

永建元年正月辛巳太傅馮石太尉劉熹為司徒李

郃免三月丙戌太嘗桓焉為太尉大鴻臚朱寵為太

尉參錄尚書事長樂少府朱倂為司徒

十月丁亥司空陶敦免壬寅廷尉張皓為司空

二年七月壬午太尉朱寵司徒朱倂罷康子太嘗劉

光為太尉錄尚書事光祿勳許敬為司徒

四年八月丁巳太尉劉光為司空張皓免癸丑大鴻

臚龐參為太尉時尚書僕射虞詡薦參有宰相器能

故帝用之又以太嘗王龔為司空

十一月庚辰司空許敬免十二月乙卯宗正劉琦為

司徒

陽嘉二年五月戊午司空王龔免六月辛未太嘗孔

扶為司空七月己未太尉龐參免八月己巳大鴻臚

施延為太尉

三年十一月司徒劉琦司空孔扶免大司農黃尚為

司徒

司徒光祿勳王卓為司空

四年四月大尉施延免前太尉龐參為太尉

永和元年十一月丙子太尉龐參罷十二月乙巳前

司徒王龔為太尉

二年三月乙卯司空王卓薨丁丑光祿勳郭度為司

空

三年八月己未司徒黃尚免九月己酉光祿勳劉疇
為司徒

五年九月辛未太尉王龔罷壬午太常桓焉為太尉

六年三月庚子司空郭度免丙午太僕趙戒為司空

漢安帝元年十月辛未太尉桓焉司空劉疇免十一

月壬午司隸較尉趙俊為太尉大司農胡廣為司徒

冲帝永嘉元年即位初以太尉趙俊為太傅大司農

李固為太尉參錄尚書事

質帝本初元年閏六月丁亥太尉李固免戊子司空

胡廣為太尉司空趙戒為司徒與大將軍梁冀錄尚

書事太僕袁湯為司空

桓帝建元元年六月太尉胡廣罷大司農杜喬為太

尉九月喬免十月司徒趙戒為太尉司空袁湯為司

徒前太尉胡廣為司空

二年十月太尉趙戒免司徒袁湯為大司農張歆為司徒

元嘉元年四月司徒張歆罷光祿勳吳雄為司徒

十月司徒胡廣罷閏十一月太嘗黃瓊為司空

二年十一月司空黃瓊罷十二月特進趙戒為司空

永興元年十月太尉袁湯薨司徒吳雄罷司空趙戒

免以太嘗胡廣為太尉太僕黃瓊為司徒光祿房植

為司空

二年九月太尉胡廣免司徒黃瓊為太尉閏月光祿

勳尹頌為司徒

永壽元年六月司空房植免太常韓演

音與善反

三年十一月司徒尹頌薨司空韓演為司徒孫朗為

司空

延熹元年七月甲子太尉黃瓊免太嘗胡廣為太尉

二年八月丁丑太尉胡廣坐梁冀免司徒韓演司空

孫朗下獄以司農黃瓊為太尉光祿大夫祝恬為司

徒大鴻臚盛允為司空

三年六月司徒祝恬薨以司空盛允為司徒太嘗虞

放為司空

四年二月司徒盛允免大司農种嵩為司徒

三年二月太尉黃瓊免四月太常劉矩為太尉

六月司空虞放免前太尉黃瓊為司空九月瓊免大

鴻臚劉寵為司空

五年十一月太尉劉矩免太守楊秉為太尉

六年二月戊午司徒种暠免三月衛尉許相為司徒

十一月司空劉寵免十二月衛尉周景為司空

八年五月丙戌太尉楊秉薨七月大中大夫陳蕃為

太尉

十月司空周景免太嘗劉茂為司空

九年四月司徒許翔免五月太嘗胡廣為司徒

七月太尉陳蕃免九月光祿勳周景為太尉司空劉

茂免十二月光祿勳宣酆為司空

靈帝建寧元年正月即位以前太尉陳蕃為太傅與

竇武及司徒胡廣參錄尚書事

四月戊辰太尉周景薨司空宣酆免以長樂衛尉王

暢為司空

五月以大中大夫劉矩為太尉

八月司空王暢免宗正劉寵為司空

九月丁亥太尉陳蕃誅司徒胡廣為太傅錄尚書事

司空劉寵為司徒大鴻臚許翔為司空

十一月太傅劉知免太僕聞人襲為太尉

十二月司空唐岑罷長樂少府許訓為太尉

五年五月太尉陳耽罷司空許訓為太尉六月太嘗

劉逸為司空

七月太尉許訓罷光祿勳劉寬為太尉

十月司徒袁隗罷十一月光祿大夫楊暢為司徒

七年六月司空劉逸免衛尉陳球為司空

十月太尉劉寬免

十一月司空陳球免十二月太嘗孟馘音乙為太尉

太嘗陳耽為司空司徒楊暢免

光和元年正月太尉孟馘罷二月光祿勳袁滂為司

徒三月太嘗張顥為太尉

四月司空陳耽免太嘗來豔為司空

九月太尉張顥罷太嘗陳球為太尉司空來豔薨十

月屯騎較尉袁逢為司空

十一月太尉陳球免十二月光祿大夫喬玄為司空

二年二月司徒袁滂免大鴻臚劉洽為司徒大尉喬

玄罷大中大夫段熲為太尉司空袁逢罷太嘗張濟

為司空

四月太尉段熲下獄死五月衛尉劉寬為太尉十月

司徒劉邵下獄死十二月光祿勳楊暢為司徒

四年九月太尉劉寬免衛尉許馡為太尉

閏月司徒楊暢罷十月太嘗陳耽為司徒

五年三月司徒陳耽免四月太嘗袁隗為司徒

十月太尉許馡罷太嘗楊暢為太尉

中平元年四月太尉楊暢免太僕鄧盛為太尉司空

張濟罷大司農張溫為司空

二年二月司徒袁隗免三月廷尉崔烈為司徒

五月太尉鄧盛免太僕張延為太尉

八月司空張溫為車騎將軍討北宮伯玉

九月特進楊賜為司空十月暢薨光祿大夫許

司空

三年二月太尉張延罷車騎將軍張溫為太尉

四年四月太尉張溫免司徒崔烈為太尉

五年司空許相為司徒光祿勳丁宮為司空

十一月太尉崔烈罷大司農曹嵩為太尉

五年四月曹嵩罷五月永樂少府樊陵為太尉六月

陵罷七月射聲校尉馬日磾為太尉

八月司徒許相罷司空丁宮為司徒光祿勳劉弘為

司空

司空

六年四月太尉馬日磾免幽州牧劉虞爲太尉

弘農王光熹元年四月卽位以後將軍袁隗太傅何進參錄尚書事七月司徒丁宮罷八月司空劉弘免獻帝永漢元年九月卽位以太尉劉虞爲大司馬董卓自爲太尉大中大夫楊彪爲司空豫州牧董琬爲司徒

十一月董卓爲相國

十二月司徒董琬爲太尉司空楊彪爲司徒光祿勳荀爽爲司空

初十元年二月太尉董琬司徒楊彪免光祿勳趙謙

爲太尉太僕王允爲司徒

二月董卓殺太傅袁隗

五月司空荀爽薨六月光祿大夫种拂爲司空

二年二月董卓自爲太師

七年司空种拂免光祿大夫淳于嘉爲司空太尉趙謙罷太嘗馬日磾爲太尉

三年四月誅董卓以司徒王允錄尚書事總朝政

六月李傕殺司徒王允以前將軍趙謙爲司徒

七月太尉馬日磾爲太傅錄尚書事車騎將軍皇甫嵩爲太尉司徒趙謙罷九月司空淳于嘉爲司徒光

祿大夫楊彪為司空並錄尚書事

十二月太尉皇甫嵩免光祿大夫周忠為太尉參錄尚書事

四年六月太尉周忠免太僕朱雋為太尉錄尚書事

十月司空楊彪免太嘗趙溫為司空十二月溫免衛尉張喜為司空

與平元年七月太尉朱雋免太嘗楊彪為太尉錄尚書事

九月司徒淳于嘉罷十月衛尉趙溫為司徒錄尚書事

建安元年八月鎮東將軍曹操自領司隸較尉錄尚書事

九月太尉楊彪司空張喜罷

十一月曹操自為司空行車騎將軍百官總已以聽

十三年正月司空趙溫免

六月罷三公官置丞相御史大夫以司空曹操為丞相

八月光祿勳郗慮為御史大夫

二十五年正月丞相魏王曹操薨子丕襲位

魏文帝初為魏王延康元年二月以大中大夫賈詡

為太尉御史大夫華歆為相國大理王朗為御史大夫

黃初元年十一月受禪改相國為司徒御史大夫為司空

四年六月甲申太尉賈詡薨八月丁卯廷尉鍾繇為

太尉繇與司徒華歆司徒王朗並先世名臣文帝罷

朝謂左右曰此三公者乃一代之偉人也後世殆難繼矣

明帝即位初以太尉鍾繇為太傅征東大將軍曹休

為大司馬華歆為太尉司空王朗為司徒鎮東將軍

陳群為司空

太和二年九月大司馬曹休薨

十一月司徒王朗薨

四年二月以大將軍曹真為大司馬

四年太傅鍾繇薨

五年正月大司馬曹真薨

十二月大尉華歆薨

六年七月衛尉董昭為司徒

青龍三年正月戊子以大將軍司馬懿為太尉

四年五月司徒董昭薨

十二月司空陳壽薨

景初元年六月己亥以尚書令陳矯為司徒尚書左僕射衛臻為司空七月司徒陳矯薨

三年二月癸卯詔曰大中大夫韓暨澡身浴德志節高潔年踰八十守道彌固可謂純篤老而益劭者也其以暨為司徒四月庾子暨薨十一月壬午以司空衛臻為司徒司隸較尉崔林為司空

齊王卽位以太尉司馬懿為太傅輔政詔曰太尉體道正直盡忠三世南擒孟達西破蜀虜東滅公孫淵功蓋海內昔周成建保傅之官近漢顯宗崇寵鄧禹

所以優隆雋人必有尊也其以太尉為太傅持節

兵都督諸軍事如前又以征東將軍滿寵為太尉

正始三年太尉滿寵薨七月以領軍將軍薛濟為太

尉

五年二月崔林薨

六年二月丙子以驃騎將軍趙儼為司空六月儼薨八月丁卯以太尉高柔為司空

九年三月甲午司徒衛臻遜位四月以司空高柔為司徒光祿大夫徐邈為司空邈固辭不受九月以車騎將軍王凌為司空

嘉平元年正月丁未以太傅司馬昭爲丞相固讓乃止

四月太尉蔣濟薨十二月以司空王凌爲太尉司隸較尉孫禮爲司空

二年十一月司空孫禮薨

三年三月以尚書令司馬孚爲司空五月太尉王凌謀廢立自殺七月以司空司馬孚爲太尉太傅司馬懿薨以衛將軍司馬師爲撫軍大將軍錄尚書事十月以光祿勳鄭冲爲司空

高貴鄉公正元二年正月司馬師薨于許昌

二月以衛將軍司馬昭爲大將軍錄尚書事

甘露元年八月以太尉司馬孚爲太傅

九月以司徒高柔爲太尉

十月以司空鄭冲爲司徒尚書左僕射盧毓爲司空二年三月司空盧毓薨四月以征東大將軍諸葛誕爲司空誕不就徵反誅

三年五月大將軍司馬昭爲相國封晉公固讓不受

八月以驃騎將軍王景爲司空

四年六月司空王景薨

五年四月進大將軍司馬昭位爲相國封晉公九讓

乃止

陳留王景元元年六月又進大將軍司馬昭位為相

國封晉公固讓乃止以尚書右僕射王觀為司空十

月觀薨十二月以司隸較尉王祥為司空

四年九月高柔薨十月復命大將軍司馬昭進位相

國晉公十二月以司徒鄭冲為太保

五年五月以征西將軍鄧艾為太尉鎮西將軍鍾會

為司徒

咸熙元年正月司徒鍾會反於蜀太尉鄧艾亦見殺

三月以司空王祥為大尉征北將軍何曾為司徒尚

書左僕射荀勗為司空八月庚寅命中撫軍司馬炎

副貳相國事

二年八月辛卯相國晉王薨晉太子炎襲位總攝百

揆

晉武帝泰始元年十二月即皇帝位以魏太保鄭冲

為太傅太尉王祥為太保晉國丞相何曾為太尉

二年九月以太尉何曾為太保詔曰謨明弼諧王躬

是保所以宣崇大訓克成四海也侍中太尉曾立德

高俊執心忠亮博物洽聞明識弘遠翼佐先皇勲庸

顯著朕纂洪業首相王室迪惟前人施于朕躬實佐

命與化光贊政道夫三司之任雖左右王事乃若予
違汝弼救其不逮則存乎保傳故將明衮職未知用
又厥辟之重其以曾爲太保侍中如故又以司空荀
覲爲司徒詔曰昔禹命九官契敷五教所以弘崇王
化示人軌儀也朕承弘業昧于大道思訓五品以康
四海侍中司空覲明允篤誠思道通達翼亮先皇遂
輔朕躬實有佐命弼道之勲宜掌教典以隆時雍其
以覲爲司徒又以義陽王望爲太尉

四年正月辛未詔曰夫三司之任以翼宣皇極弼王
事者也故經國論道賴諸明詰苟非其人官不虛備
尚書令佐命光祿大夫裴秀雅量弘博思心通達先
帝登庸贊事先朝朕受明命光佐大業勲德茂著配
蹤元凱宜正位居體以康庶績其以秀爲司空
五年詔曰前大司馬石苞忠允清亮才經世務幹用
之績所歷可紀掌教典以贊時政其以苞爲司徒有
司奏苞前者折撓不堪其任以公還第已爲弘厚不
宜擢用詔曰吳人輕脆終無能爲故疆場之事但欲
完固守備使不得越逸而已以苞計畫不同慮敵過
甚故徵還更授昔鄧禹撓於關中而終輔漢室豈以
一青而掩大德哉於是就位初苞以大司馬都督揚

州諸軍事淮北監軍王琛輕苞素微密表苞與吳人交通遂下詔苞以不料賊勢築壘遏水勞擾百姓策免其官以樂陵郡公還第時鄴奚官都督郭冀上奏理苞於是拜爲司徒

七年十二月詔曰光祿大夫密陵侯鄭袤履行純正守道冲粹退有清和之氣進有素絲之節空登三垣之曜補袞職之闕今以袤爲司空帝臨軒遣五官中郎將國垣就第拜授袤前後辭讓遣息稱上送印綬至於十數久之見許以侯就第
八年七月以車騎將軍賈充爲司空

九年五月以太保何曾領司徒

十年九月以大將軍陳騫爲太尉

咸寧二年八月以太保何曾爲太傅太尉陳騫爲司馬司空賈充爲太尉齊王攸爲司空

四年九月以太傅何曾爲太宰尚書令李喬爲司徒
太康三年十二月司空齊王攸爲大司馬汝南王亮爲太尉光祿大夫山濤爲司徒尚書令衛瓘爲司空
四年十一月以尚書左僕射魏舒爲司徒
太熙元年正月以尚書左僕射王潭爲司徒司空衛瓘爲太保三月以右光祿大夫石鑒爲司空

四月以侍中車騎將軍楊駿為太尉都督中外諸軍錄尚書事

惠帝即位初以今太尉楊駿為太傅輔政以司空石鑒為太尉前鎮西將軍隴西王泰為司空

永平元年三月誅太傅楊駿徵大司馬汝南王亮為太宰與太保衛瓘輔政

元康元年六月賈后矯詔使楚王瑋殺亮瓘以司空隴西王泰錄尚書事

九月徵征西大將軍梁王彤為衛將軍錄尚書事
六年正月以中書監張華為司空

七年九月以尚書左僕射王戎為司空

永寧元年六月以梁王彤為太宰領司徒臣坎若等曰自永寧

元年四月至是年三月趙王倫等篡逆所署三公不錄

太安元年五月以右光祿大夫劉寔為太傅齊王冏為太師東海王越為司空河間王顥為太尉十二月

殺齊王冏以長沙王乂為太尉都督中外諸軍事
永興元年正月以成都王為丞相

三月以太尉河間王顥為太宰太傅劉寔為太尉
十二月詔司空越為太傅與太宰顥夾輔朕躬司徒

王戎參錄朝政

元熙元年八月以太傅東海王越錄尚書事驃騎將軍范陽王彪爲司空

懷帝卽位初以中書監溫羨爲司徒尚書左僕射王衍爲司空

永嘉元年正月以太傅東海王越輔政

三月以前太傅劉寔爲太尉

三年三月太尉劉寔請老以司徒王衍爲太尉東海王越領司徒

四年十月以驃騎將軍王浚爲司空

五年五月征西大將軍南陽王模爲太尉太子太傅

任祇爲司徒尚書令荀藩爲司空

愍帝建興元年四月卽位以衛將軍梁芬爲司徒

五月以鎮東大將軍瑯琊王睿爲侍中大丞相大司徒南陽王保爲右丞相

二年二月以衛將軍荀組爲司空

三年二月進左丞相瑯琊王睿爲大都督中外諸軍事右丞相南陽王保爲相國司空荀組爲太尉大將軍劉琨爲司空

冊府元龜

冊府元龜

帝王部

卷之七十一

九府元龜 命四十一 卷之二十一

册府元龜

淮南李嗣京參閱

西極文翔鳳訂正

豫章黃國琦較釋

帝王部 七十二

命相第二

晉元帝建武元年二月以撫軍大將軍西陽王羨為
太保太尉荀組為司徒時帝即晉王位欲以組為司
徒問太嘗賀循循曰組舊望清重忠勤顯著遷訓五
品實允眾望於是拜之十一月以司徒劉琨為太尉

册府元龜 帝王部 卷之二十一

太興四年七月以驃騎將軍王導為司徒

永昌元年十一月以司徒荀組為太尉

明帝太寧三年閏八月遣詔以太宰西陽王羲司徒

王導輔太子

太子即成帝也

武帝即位初以司徒王導錄尚書事與中書令庾亮

參輔朝政

咸和四年三月以征西大將軍陶侃為太尉車騎將

軍郗鑒為司徒

咸康四年五月以司徒王導為太傅都督中外諸軍

事司空郗鑒為太尉征西將軍庾亮為司空

六月改司徒為丞相以太傅王導為之冊曰朕夙懼

不造肆陟帝位未堪多難禍亂旁興公文貫九功武

經七德外緝四海內齊八政天地以平人神以和業

同伊尹道隆姬旦仰思唐虞登庸雋乂申命群官允

釐庶績朕思憑高謀弘濟遠猷維稽古昔建爾于上

公永為晉輔往踐厥職敬敷道訓以亮天工不亦休

哉公其戒之

五年八月復改丞相為司徒十二月以驃騎將軍瑯

琊王岳為之

六年正月以左光祿大夫陸玩為司徒

康帝即位諒陰不言委政于中書監庾冰領中書令
建元元年十月以驃騎將軍何充為中書監揚州刺
史錄尚書事輔政以褚裒為衛將軍領中書令
穆帝永和二年二月以左光祿大夫蔡謨領司徒錄
尚書六條事撫軍大將軍會稽王昱及謨竝輔政
八年七月以鎮國大將軍武陵王晞為太宰輔軍大
將軍會稽王昱為司徒征西大將軍桓溫為太尉
哀帝興寧元年五月加桓溫侍中大司馬都督中外
諸軍錄尚書事

廢帝太和元年十月以會稽王昱為丞相

簡文帝咸安元年十一月以大司馬桓溫為丞相

孝武帝太元元年正月以尚書僕射謝安為中書監
錄尚書事

二年八月以謝安為司徒

五年六月以驃騎將軍瑯琊王道子為司徒

六年十一月以鎮東大將軍鄒愔為司空

九年三月以衛將軍謝安為太保

安帝即位初以司徒會稽王道子為太傅輔政

隆安元年三月帝蒙塵于尋陽桓玄逼帝西上帝密
詔以幽逼於玄萬機虛曠令武陵王遵依舊典承制

總百官行事加侍中大將軍

義熙元年三月帝至自江陵以瑯琊王德文為大司馬武陵王遵為太保鎮軍將軍劉裕為侍中車騎將軍揚州刺史錄尚書事

十四年六月劉裕為相國封宋公

恭帝元熙元年正月以驃騎將軍劉道憐為司空

後魏道武皇始元年七月即位二年五月以東平公元儀為驃騎大將軍都督諸軍事左丞相

天興元年四月以征虜將軍歷陽公穆崇為太尉安南將軍鉅鹿公長孫嵩為司徒

六年十一月徵相州刺史庾岳為司空

明元太嘗七年四月以泰平王燾為相國加大將軍

五月以燾輔政左丞相奚斤為左輔太尉穆觀為右

弼紀傳奚斤拜右丞相觀拜太尉年月出則統輔朝政入則應對左右

事無巨細皆關決焉

九月以奚斤為司空行揚州刺史

太武始光二年三月以司徒北平王長孫嵩為太尉

平陽王長孫翰為司空宣城王奚斤為司空

神麤三年七月詔太鴻臚杜超為太宰行征南大將軍鎮鄴

四年九月以左光祿大夫崔浩為司徒征西大將軍
長孫道生為司徒

大延中以侍中盧魯元為太保錄尚書事

太平真君五年正月皇太子始總百揆以侍中中書
監穆壽司徒崔浩侍中張黎右弼輔政

文成興安元年十月即位以驃騎大將軍元壽樂為
太尉都督中外諸軍事錄尚書事

十二月以樂陵王周怵為太尉平原王陸麗為司徒鎮
西將軍杜元寶為司空

興光元年正月以侍中伊敏為司空

太安元年十月以遼西公嘗英為太宰

獻文即位初以侍中車騎大將軍乙渾為太尉錄尚
書事東安王劉尼為司徒尚書左僕射和其奴為司
徒又以乙渾為丞相居諸王上事無大小皆決於渾
皇興元年閏正月以頓丘王李俊為太宰

二年六月以昌黎王馮熙為太傅

四年二月以東郡王陸定國為司徒

孝文延興三年四月假上黨王長孫觀司空討吐谷

渾拾寅

承明元年六月征西將軍安樂王長樂為太尉尚書

左僕射南平公日辰爲司徒南部尚書李訢爲司空
太和元年三月徵征西大將軍雍州刺史東陽王丕
爲司徒

三年九月以侍中司徒東陽王丕爲太尉侍中尚書
右僕射建爲司徒侍中尚書荀頽爲司空

九年十二月侍中淮南王他爲司空

十三年十二月以尚書令尉元爲司徒左僕射穆亮
爲司空

十五年十二月以安定王休爲太傅齊郡王簡爲太
保

十六年十月以特進馮誕爲司徒

十八年十月以太尉東陽王丕爲太傅

二十三年二月以長兼太尉咸陽王禧爲正太尉中
軍大將軍彭城王勰爲司徒

宣帝卽位初以司徒彭城王勰總攝百揆以侍中北
海王祥爲司空公鎮南將軍王肅爲尚書令廣陽王
嘉爲左僕射尚書宋弁爲吏部尚書與侍中太尉公
禧左僕射任城王澄等六人輔政

景明元年二月復以彭城王勰爲司徒
十月改授總司徒錄尚書事

二年正月以太尉咸陽王禧為太保司空北海王祥為大將軍錄尚書事又以太保王禧領太尉大將軍廣陵王羽為司徒

十一月以驃騎大將軍穆亮為司空大將軍北海王祥為太傅領司徒

四年七月以彭城王總為太師

正始元年閏十二月以驃騎大將軍高陽王雍為司空

四年九月詔曰朕秉曆承天履年將紀徒正宮極歲浹歸餘台懿茂親祇勤已久列司英彥庸績未酬非

所謂有功見知賞以時及其以司空高陽王雍為太尉尚書令廣陽王嘉為司空

永平二年十月以司空廣陽王嘉為司徒

延昌元年正月以車騎大將軍尚書令高肇為司徒

光祿大夫清河王懌為司空

二年二月太尉高陽王雍進位太保

孝明延昌四年正月即位詔太保高陽王雍入居西

栢堂次庶政又詔任城王澄為尚書令百官總已以

聽於二王

臣欽若等曰孝明即位年六歲委政於二王也

二月太保高陽王雍進位太傅領太尉司空清河王

憚爲司徒驃騎大將軍廣平王懷爲司空

七月司徒清河王憚進位太傅領太尉司空廣平王

懷爲太保領司徒驃騎大將軍任城王澄爲司空

十二月以高陽王雍爲太師

熙平二年四月以中書監胡國珍爲司徒公

八月詔侍中太師高陽王雍入居門下參決尚書奏事

神龜二年五月以司徒任城王澄爲司徒公驃騎大將軍京兆王繼爲司空公

正光元年九月以太師高陽王雍爲丞相

十月以驃騎大將軍汝南王悅爲太尉公

十二月以司空京兆王繼爲司徒公

二年二月以儀同劉騰爲司空公

四月司徒京兆王繼進位太保車騎大將軍崔光爲司徒公

三年十二月太保京兆王繼爲太傅司徒崔光爲太保

四年九月詔侍中太尉安南王悅入居門下與丞相高陽王雍參尚書奏事

十一月以悅爲太保

五年十二月詔太傅京兆王繼為太師

孝昌元年正月以太師京兆王繼為太尉

二年正月以太保汝南王悅領太尉

三年正月以司空公皇甫度為司徒儀同三司蕭寶

寅為司空又以皇甫度為太尉

孝莊建義元年四月即位以前太尉公江陽王繼為太師

北王顥為太傅光祿大夫李延寔為太保并州刺史

元天穆為太尉公侍中楊椿為司徒公車騎大將軍

穆紹為司空公領尚書令

七月以大將軍爾朱榮為柱國大將軍錄尚書事

永安元年九月以爾朱榮為大丞相都督河北諸軍

事以司徒公楊椿為太保城陽王徽為司徒

十月以爾朱榮為太師

二年七月以大將軍上黨王天穆為太宰司徒公城

陽王徽為大司馬太尉公

閏七月以侍中太傅李延實為司徒

十月以前司徒公丹陽王蕭寶為司徒公

十一月以司空公蕭寶為太尉公雍州刺史長孫稚

為司徒公

三年十一月以司徒公長孫稚為太尉公

前廢帝普太元年三月詔太師青州刺史魯郡王蕭
還爲太師車騎大將軍沛郡王欣清河王亶竝太傅
驃騎大將軍尚書令爾朱世隆爲太保前太尉公長
孫稚爲太尉公錄尚書事稚固辭除驃騎大將軍以
趙郡王諶爲司空公

四月以侍中驃騎大將軍爾朱彥伯爲司空公

後廢帝中興元年十月卽位以大將軍高歡爲侍中
丞相都督中外諸軍事以兼侍中撫軍將軍高乾邕
爲侍中司空公

二年二月以丞相高歡爲大丞相柱國大將軍太師
出帝太昌元年四月卽位高歡爲大丞相大柱國大
將軍太師世襲定州刺史

五月以太傅淮陽王欣爲太師司徒趙郡王諶爲太
保南陽王寶矩爲太尉侍中太保錄尚書事長孫稚
爲太傅前司空高乾邕復司空侍中清河王亶爲司
徒

永熙二年二月以司空高乾邕爲驃騎大將軍以咸
陽王坦爲司空公

三月以侍中太保趙郡王諶爲太尉公侍中太尉公
南陽王寶矩爲太傅開府尚書令

七月以太師廣陵王欣為大司馬侍中以太尉公趙郡王諶為太師以前司徒公燕郡王賀拔渥為太尉

三年五月以大司馬侍中廣陵王欣為左軍大都督太傅錄尚書事

西魏文帝大統元年正月以關西大行臺宇文泰都督中外諸軍事大行臺錄尚書事

十四年五月進泰為太師

廢帝即位初以太師宇文泰為大冢宰總百揆

恭帝三年正月行周禮建六官以宇文泰為太師大

冢宰柱國李弼為太傅大司徒趙貴為太保大宗伯

獨孤信為大司馬于謹為大司寇侯莫陳崇為大司

空

後周閔帝元年時不建正月以太傅大冢宰大司馬

獨孤信為太保大宗伯中山公護為大司馬

二月以大司空侯莫陳崇為太保太司馬晉國公護

為大冢宰柱國賀蘭祥為大司馬高陽公達奚武為

大司寇

孝明武成二年即天王位二年正月以大冢宰晉公

護為太師

高祖武帝保定元年正月以太師大冢宰晉公護爲
都督中外諸軍令五府總於天官
三年四月以柱國達奚武爲太保

天和三年四月以太保達奚武爲太傅大司馬尉遲
迴爲太師

建德元年三月太師大冢宰晉公護誅以太傅尉遲
迴爲太保柱國竇熾爲太傅太司空李穆爲太保齊
國公憲爲大冢宰

宣政元年二月大冢宰譙王儉薨以上柱國越王盛
爲大冢宰

宣帝卽位初以趙王括爲太師陳王純爲太傅

大象元年正月初置四輔官以大冢宰越王盛爲大
前疑蜀國公尉遲迴爲大右弼申國公李穆爲大左
輔隋國公楊堅爲大後丞

二月以大前疑越王盛爲太保大右弼尉遲迴爲大
前疑代王達爲大右弼

五月越王盛代王達之國以大後丞楊堅爲大前疑
柱國司馬消難爲大後丞

八月以雍州牧畢王賢爲大師上相國韓建業爲大
左輔

靜帝卽位初以漢王贊爲右大丞相隋國公楊堅爲左大丞相帝居諒闇百官總已以聽於左丞相又以漢王贊爲太師并州總管李穆爲太傅宋實爲大前凝秦王贊爲大右弼燕國公寔爲大左輔又去丞相左右之號以隋公楊堅爲大丞相又以爲大冢宰五府五府總於天官

太定元年二月以大丞相楊堅爲相國總百揆尋禪于隋

高祖文帝開皇元年二月卽位以并州總管李穆爲太師鄧國公竇熾爲太傅幽州總管于翼爲太尉相

國司馬高頴爲尚書左僕射兼納言相國司錄虞慶則爲內史監相國內郎李德林爲內史令

三月以太子少保蘇威爲納言

九年四月以晉王廣爲太尉六月以荊州總管楊素爲納言

十年七月以納言楊素爲內史令

仁壽元年正月以晉王昭爲內史令

二年七月以工部尚書楊達爲納言

煬帝大業二年六月以尚書令楊素爲司徒

三年九月以民部尚書楊文思爲納言

唐高祖武德元年五月卽位六月以相國長史裴寂
爲尚書右僕射相國司馬劉文靜爲納言戶部尚書
蕭瑀相國司錄竇威竝爲內史令
是年以將作大匠竇抗兼納言

二年正月以黃門侍郎陳叔達爲納言十月以黃門
侍郎楊恭仁爲納言

三年三月改納言爲侍中內史令爲中書令以內史
令侍郎封德彝兼中書令

六年四月詔曰端揆之職綜理百司任望斯重勳賢
攸寄尚書左僕射魏國公寂風格淹粹局量弘雅早

預經綸元功特著燮諧治本茂蹟以宣中書令宋國
公蕭瑀志懷忠確業履冲素歷居顯要厲精理術獻
納惟允周慎有聞宣穆彝章允釐庶政寂可尚書左
僕射瑀可尚書右僕射又以兼中書令封德彝爲中
書令

九年正月詔曰槐路清肅台階重峻經邦論道燮諧
是屬然而表德憂賢昔王令典庸勲紀績列代通規
尚書左僕射魏國公寂地胄清華風神閑悟立志溫
裕局量弘雅爰自義旗早參締構莫契所感實資同
德譬茲梁棟有若鹽梅翊贊綱繆庶政惟允歷居端

揆彝章緝穆元功懋德膺茲重望可司空

六月太宗平內難立爲皇太子七月以太子左庶子高士廉爲侍中左庶子房玄齡詹事宇文士及並爲中書令尚書右僕射蕭瑀爲尚書左僕射中書令封德彝爲尚書右僕射

太宗貞觀元年六月以太子少師蕭瑀兼尚書左僕射

七月詔曰望隆朝右任重國鈞尚想風猷義惟賢戚吏部尚書齊國公長孫無忌識量弘遠神情警發道紹縉紳才資文武樽俎之策電斷風馳干戈所指雲

銷霧散幾深之理彌著忠義之節以彰斯固立德佐時降靈輔闕宐以翼贊授之端揆可尚書右僕射

二年十二月以黃門侍郎王珪爲侍中

三年二月詔曰尚書政本端揆任隆自非經國大材莫或斯舉中書令兼太子詹事邢國公房玄齡器宇沉邃風度弘遠譽彰遐邇道冠簪纓兵部尚書簡較侍中蔡國公杜如晦識量清舉神彩凝映德宣內外聲溢廟堂朕自克平宇縣締構資始叶贊經綸厥功甚茂深謀秘畧動合規矩忠議讜言事多啓沃及典司樞要綱繆宸展開物成務知無不爲可謂神降英

靈天資人傑竝宜總司衡軸光闡大猷玄齡可尚書
左僕射餘如故如晦可尚書右僕射又以尚書左丞
魏徵爲秘書監參預朝政

四年二月以御史大夫溫彥博爲中書令

八月詔曰端右望隆寄任尤重實資勲德朝難其選
左光祿大夫行兵部尚書代國公李靖識度宏遠才
畧優瞻博綜機務兼資文武誠著夷險效彰出納便
蕃省闕詳謹有聞宜緝彝倫允茲名器可尚書左僕
射

七年二月以秘書兼

侍中魏徵爲侍中

十一月詔曰論道台階實賴明哲丹青神化寄深燮
理自非鹽梅是屬棟幹有歸則曠職俟能罔或必備
開府儀同三司齊國公無忌器宇凝正風度峻遠才
包文武地兼賢戚誠著草昧之辰業預艱難之始功
侔十亂聲高三傑亮采銓衡庶僚有序儀形端右彝
彰以穆自任參鼎司位班槐路擣挹之美形於縉紳
翼贊之規彰于帷宸宜崇名器允副具瞻可司空所
司具禮以時册命

九年十二月以右光祿大夫蕭瑀依舊特進參預朝
政

十六年六月詔曰文昌治本端副望隆朝綱所屬選
衆斯在中書令虞國公溫彥博體業貞固學藝該明
器惟瑚璉材稱棟幹任總絲綸職居近密廼心著於
帷幄嘉謀表於罇俎寄深啓沃義切鹽梅宜升禮闈
允茲彝序可尚書右僕射勲封如故又以太嘗卿楊
師道爲侍中

十二年七月詔曰司會政本執法任隆歷選攸難惟
賢是屬特進吏部尚書申州刺史上柱國申國公高
士廉器宇冲邈機神峻遠材稱棟幹望重縉紳地惟
姻婭廼誠著于疇昔業預經綸嘉庸彰於夷嶮出總

方嶽入贊機衡獻贊之情譽光八舍銓綜之美聲洽
九流啓沃是寄鹽梅斯在宐貳端右允副式瞻可尚
書右僕射特進刺史勲官封竝如故

十三年十一月以侍中楊師道爲中書令

十六年正月以中書侍郎岑文本專知機密

七月詔曰古先哲后咸正庶官德優者爵高功多者
祿厚是以經邦緯國必俟蕭曹之勲燮理陰陽允歸
鍾華之望司空趙公無忌識量弘博風度峻遠地惟
親賢才稱梁棟締構霸業茂勲著於艱難弼成王道
廼心竭于寅亮鹽梅是寄丹青攸屬德綜璣衡聲猷

具舉自升槐鉉歲月亟移固以勤美太嘗書忠甲令者矣且陟中台式典邦教可司徒

又詔曰惟天為大資四序以成功惟王建國候三台以弘化故隆漢受命吳鄧飛聲有晉勃興苟何底績開府儀同三司尚書左僕射太子少師上柱國梁國公房玄齡器範忠肅識具明允才稱王佐望乃時英霸國爰始預經綸之業鼎命惟新質隆平之化誠固金石勲勒鐘鼎自任總庶尹職重朝端心力書於翼亮劬勞積於歲序而志在冲退有懷止足固陳衰疴屢上表疏然則燮揆禮閣職務實繁論道槐廷望實

攸屬宜加寵命平茲水土可司空

十七年八月以工部尚書張亮為刑部尚書參預朝

政

十八年八月以散騎嘗侍劉洎為侍中中書侍郎岑

文本馬周竝為中書令以黃門侍郎褚遂良參預朝

政

十九年二月以吏部尚書楊師道為中書令

二十二年正月以司徒長孫無忌兼簡較中書令知

尚書門下三省事刑部侍郎崔仁師為中書侍郎參

知機務

九月以黃門侍郎褚遂良爲中書令

高宗卽位初以禮部尚書兼太子左庶子于志寧少詹事兼尚書左丞張行成竝爲侍中太子右庶子兼史部侍郎高季輔爲中書令以司徒揚州大都督長孫無忌爲太尉兼簡較中書令知尚書門下三省竝如故又以特進李勣爲尚書左僕射同中書門下三品

永徽二年正月以黃門侍郎宇文節中書侍郎柳奭竝同中書門下三品

八月以侍中于志寧爲尚書左僕射侍中張行成爲

尚書右僕射竝同中書門下三品中書令高季輔爲侍中

三年二月以同州刺史褚遂良爲吏部尚書同中書門下三品

三月以黃門侍郎宇文節爲侍中中書侍郎柳奭爲中書令

四年二月以開府儀同三司李勣爲司空

九月以吏部尚書褚遂良爲尚書右僕射依舊知政事

十一月以禮部尚書崔敦禮爲侍中

六年五月以黃門侍郎韓瑗爲侍中中書侍郎
七月以侍中崔敦禮爲中書令

顯慶元年三月以戶部侍郎杜正倫爲黃門侍郎同
中書門下三品

三年三月以中書侍郎李義爲中書令黃門侍郎杜

正倫兼度支尚書依舊同中書門下三品

八月以禮部尚書許敬宗爲侍中

九月以度支尚書杜正倫爲中書令

三年十一月以侍中皇太子賓客權簡較中書令許
敬宗爲中書令賓客如故

是月以大理卿辛茂將爲侍郎

四年四月以尚書左僕射于志寧爲太子太師中書
門下三品黃門侍郎許圜師參知政事

五月兵部尚書任雅相度支尚書盧承慶並參知政
事

七月普州刺史李義甫爲吏部尚書同中書門下三
品

龍朔二年二月改門下省爲東臺中書省爲西臺侍
郎爲左相中書令爲右相以中書令許敬宗爲右相
散騎嘗侍許圜師爲左侍極簡較左相五月以左侍

極許圜師為右相

十月以西臺侍郎上官儀東同西臺三品

三年正月以司列太常伯李義甫為右相

麟德元年八月以司列太常伯劉祥道為兼右相大

司憲竇德玄為兼司元太常伯簡較左相

十二月以太子右中護樂彥璋西臺侍郎孫處約同

知政

二年三月以司戎太常伯姜恪同東西臺三品

四月以侍極陸敦信為簡較右相

乾封元年七月以大司憲劉仁軌兼右相

二年六月西臺侍郎楊武戴至德東臺侍郎李

張文瓘並同東西臺三品

總章元年三月以東臺侍郎郝處俊同東西臺三品

十二月依舊以左相為侍中右相為中書令東西臺

為中書門下是月太子左庶子劉仁軌同中書門下

三品

上元二年八月以太子左庶子同中書門下三品劉

仁軌為左僕射依舊修國史大理同中書門下三品

張文瓘為侍中中書侍郎同中書門下三品郝處俊

為中書令吏部侍郎李敬玄為吏部尚書同中書門

下三品並依前監修國史

二年二月以右肅機李敬玄為西臺侍郎同東西臺

三品

三年三月黃門侍郎來常中書侍郎薛元超並同中

書門下三品

四月以中書侍郎李義琰中書門下三品

六月黃門侍郎高智周同中書門下三品

儀鳳元年十一月以吏部尚書李敬玄為中書令

四年四月以中書令郝處俊為侍中

調露二年四月黃門侍郎裴炎崔知溫中書侍郎王

德真並同中書門下三品

永隆二年閏七月以黃門侍郎裴炎為侍中黃門侍

郎崔知溫中書侍郎薛元超並為中書令

永淳元年四月黃門侍郎郭待舉兵部侍郎岑長倩

中書侍郎郭正一吏部侍郎魏玄同並與中書門下

同承受進止平章事高宗謂中書令崔知溫曰待舉

等歷任尚淺且令預聞政事未可即與卿等同名稱

自是外司四品已下知政事遂以平章為名自待舉

等始

十月黃門侍郎劉景先同中書門下平章事

中宗神龍元年正月自皇太子監國以司刑少卿兼
相王府司馬袁恕已為鳳閣侍郎同鳳閣鸞臺平章

事則天時改中書門下為鳳閣鸞臺侍中為納言是月自太子即皇帝位以

鳳閣侍郎同鳳閣鸞臺平章事張柬之為夏官尚書

同鳳閣鸞臺三品鸞臺侍郎同鳳閣鸞臺平章事崔

玄暉為內侍又以袁恕已同鳳閣鸞臺三品左羽林

將軍敬暉及右羽林將軍桓彥範並為納言是月詔

各並依永淳以前故事

二月以太子賓客武三思為司空同中書門下三品

散騎嘗侍武攸暨為司徒國子監祭酒弘文館學士

祝欽明同中書門下三品

四月以端州高要縣尉魏元忠為衛尉卿同中書門

下三品又以刑部尚書韋安石為吏部尚書太子賓

客李懷遠為右散騎嘗侍兵部尚書同中書門下三

品康休景為輔國大將軍中書令崔玄暉為簡較益

州都督長史判都督事戶部尚書同中書門下三品

兼簡較雍州長史楊再思兼簡較揚州大都督長史

判都督事國子監祭酒中書門下三品祝欽明為刑

部尚書並同中書門下三品初高宗在春宮元忠等

繼為左右庶子等官故有斯授又以兵部尚書同中

書門下三品張柬之為中書令五月吏部尚書同中書門下三品韋安石簡較同中書令兵部尚書同中書門下三品魏元忠簡較侍中

六月詔尚書左僕射豆盧欽望軍國重事中書門下三品平章事以簡較中書令韋安石為中書令檢校侍中魏元忠為侍中簡較兵部尚書楊再思為戶部尚書兼檢校中書令

七月太子賓客韋巨源同中書門下三品依舊西京留守

十月侍中魏元忠為中書令簡較中書令楊再思為

侍中

二年正月吏部尚書李矯同中書門下三品中書侍

郎于惟謙同中書門下平章事

二月刑部尚書韋巨源同中書門下三品

三月以戶部尚書蘇瓌為侍中西京留守

七月吏部尚書同中書門下三品李瑱為中書令韋

巨源為吏部尚書依舊同中書門下三品前左散騎

嘗侍蘇瓌以本官同中書門下三品

景龍元年九月兵部尚書宗楚客左衛將軍兼太府

卿紀處訥竝同中書門下三品又以吏部侍郎蕭至

忠爲黃門侍郎同中書門下三品

是月以侍中楊再思爲中書令吏部尚書同中書門下三品韋巨源太府卿同中書門下三品紀處訥竝爲侍中

三年二月侍中韋巨源爲左僕射同中書門下三品兵部尚書同中書門下三品宗楚客爲中書令中書侍郎蕭至忠爲侍郎太府卿韋嗣立爲兵部尚書同中書門下三品兵部侍郎趙彥昭爲中書侍郎太嘗少卿鄭愔爲吏部侍郎及中書侍郎崔湜竝同中書門下平章事禮部尚書韋溫爲太子少保同中書門

下三品時政出多門遷除甚衆無聽事可以處之時人語曰宰相無坐處

八月以特進韋安石爲侍中侍中蕭至忠爲中書令九月以吏部尚書蘇瓌爲右僕射同中書門下三品十二月以前右僕射唐休璟爲太子少師同中書門下三品

睿宗初平韋庶人以苑總監鍾紹京爲中書侍郎前同州朝邑縣尉劉幽求爲中書舍人竝參知機務黃門侍郎李日知同中書門下三品又以中書侍郎鍾紹京爲中書令及卽位以太嘗少卿薛稷爲黃門侍

郎參知機務許州刺史姚元之為兵部尚書同中書門下三品兵部尚書韋嗣立為中書令以兵部侍郎兼知雍州長史崔日用為黃門侍郎參知機務維州長史宋璟為簡較吏部尚書同中書門下三品

景雲二年正月太僕卿郭元振中書侍郎張說並同門下中書平章事

四月以侍中韋安石為中書令黃門侍郎李日知為侍中

五月以殿中監竇懷貞為左御史大夫同中書門下平章事九月遷侍中

十月以吏部尚書劉幽永為侍中右散騎嘗侍魏知

古同中書門下三品太子詹事崔湜為中書侍郎同中書門下平章事

章事

太極元年二月以戶部尚書岑羲左臺御史大夫竇懷貞並同中書門下三品六月羲遷侍中七月懷貞遷尚書右僕射平章事軍國重事

先天元年八月以右散騎嘗侍中書門下三品魏知古為侍中中書侍郎同中書門下平章事崔湜為中

書令

二年正月以吏部尚書兼太子右諭德蕭至忠為中書令

玄宗先天二年七月既誅太平公主是月制曰殷命百工傳鷹審象漢推三傑良屬運籌不有斯人孰賚予弼尚書左丞張說居正合道體直理精朕昔在承華首延博望談經之際欽若讜言揮翰之門潤色鴻業屢陳規益見嫉姦回頃雖抗迹疎遠而乃懷饑渴今群兇已服大猷伊始永言亮采光朕側席之期俾茲啓沃咸服濟川之望宜參鼎鉉式綜絲綸可中書令

八月以封州流人劉幽求忠而獲罪乃下制曰劉幽求風雲玄感川嶽粹靈學綜九流文窮三變茂勲立艱難之際嘉話盈啓沃之功在讜直以不回為姦邪之所忌釁萌頗露譖端竊發元宰見逐讒人孔多既殄群兇方宣大化期間政於經史載登賢於卜夢可守尚書右僕射知軍國大事徐國公實封竝復舊十月畋于渭川以同知刺史姚元之入為宰輔制曰王佐之重師兵之任旁求梗幹膺此具瞻姚元之宏略冠時偉才生代識精鑒遠正辭強學有忠臣之操得賢相之風宜踐台衡規益斯在頃居藩郡循良是

屬載懷一德分命六官訐謨允歸文武兼濟式憑帷
幄之算宐副韜鈴之委可兵部尚書同中書門下三
品十二月改元開元改中書爲紫微門下爲黃門侍
中爲監左右僕射爲左右丞相以兵部尚書同紫微
黃門三品姚元崇兼紫微令以尚書左僕射兼侍中
劉幽求爲尚書左丞相兼黃門監正官名也是月制
曰宰輔之任謨猷是屬不有大材孰堪景化黃門侍
郎盧懷慎貞良純懿孝悌仁厚度量深於江海堅清
邁於冰雪事皆體大詎觀非聖之書心必在公雅契
雅賢之典故能危言正色直道匪躬比之微管求而

得說宐寵瑣闈參乎鼎座可同紫微黃門平章事
開元二年正月制曰古稱納言亦號嘗伯厥命惟允
朕之股肱俾乂成績聿歸良輔黃門侍郎同紫微黃
門平章事盧懷慎氣實溫厚生於薊北年始英妙出
相山東王佐所期人師攸屬考彼揚歷外於獻替許
國忘身立朝正色有仲山甫之節成管夷吾之能故
其道彌尊其心益下可以輔我王度弼予朕躬用增
輝於侍帷宐拜寵於參華可黃門監

四年十一月制曰軒夢三相舜舉八元咸佇人傑以
宣邦政尚書左丞上柱國安陽縣開國男源乾曜雅

文強學達識周材貞白可以勵時道義可以引物虛
懷同於抱月懸鏡不疲利器比屋成風刺鍾無滯固
可光左曹之駁議翼中禁之謀猷用參金鉉之司兼
踐玉臺之副可黃門侍郎同紫微黃門平章事勳封
如故

閏十二月制曰虞廷稱盛任於夔龍周邦以寧屬於
閔散是知出納惟允必俟奇英啓沃以光實資茂彥
銀青光祿大夫守刑部尚書上柱國廣平郡開國公
宋璟器宇凝峻執心勤直銀青光祿大夫行紫微侍
郎兼知制誥上柱國許國公蘇頲風簡詳密藻思清

華或掌憲南宮持平邦典或代言西掖叨輔政途咸
竭奉上之心俱盡匪躬之節九流俟其澄序衆務資
其弼諧安委銓管兼侍帷幄璟可守吏部尚書兼黃
門監頲可同紫微黃門平章事散官勳封各如故
五年九月改紫微黃門依舊爲中書門下

八年正月以京兆尹源乾曜爲黃門侍郎并州大都
督府長史張嘉貞爲中書侍郎竝同中書門下平章
事五月乾曜爲侍中嘉貞爲中書令

九年九月制曰乾坤以陰陽化成后王以輔弼興理
所以寅亮天極緝熙帝圖非夫大賢孰寄斯任天兵

軍節度大使右羽林將軍兼并州長史攝御史大夫
燕國公兼修國史張說挺其公才生我王國體文武
之道則出將入相盡終身之節亦前疑後丞諒可以
弘此大猷總其邦政允釐庶績保乂皇家可守兵部
尚書同中書門下三品勳封修國史如故仍卽馳驛
赴京

十一年四月制曰晉稱內史以司號令漢曰尚書是
主喉舌周平郡國以佐王教兵部尚書兼中書令張
說履道體政經德立言吏部尚書王峻忠肅剛簡博
聞宏識竝才苞王佐望重時英內訓五品外清九服

嘉謀必盡庶績允康宜參五臣之命以正三台之象

說可中書令峻可兵部尚書同中書門下三品

十四年四月以戶部侍郎李元紘同中書門下平章
事

十六年十一月以河西節度使判涼州蕭嵩爲兵部

尚書同中書門下平章事

十七年六月以戶部侍郎宇文融爲黃門侍郎兵部
侍郎裴光庭爲中書侍郎竝同中書門下平章事

二十一年三月制曰思致雍熙事求良輔久勤夢寐
近在周行尚書左丞韓休蘊道弘深秉德經遠清誠

可以執物素行可以律人一自登朝備聞體國志存
公亮誠合始終而羽翼朕躬金玉王度人望是在朝
選無踰宐拜命於瑣闥俾兼和於鼎實可守黃門侍
郎同中書門下平章事

十二月制曰風雲之感必生王佐廟廊之任爰在柱
臣京兆尹裴耀卿含元精之休體度弘遠前中書侍
郎張九齡挺生人之秀器識通明并風望素高人倫
是仰以叶彼寅亮當滋啓沃幹時侍士既資鼎實之
和爲國急賢實唯金華之事耀卿可黃門侍郎九齡
可起復中書侍郎竝同中書門下平章事

二十二年五月以黃門侍郎李林甫爲禮部尚書同
中書門下三品

二十四年十一月殿中監牛仙客爲工部尚書同中
書門下三品

天寶元年二月改侍中爲左相中書令爲右相黃門
侍郎爲門下侍郎尚書左右丞相依舊爲左右僕射
八月以刑部尚書兼御史大夫李適之爲左丞
五載四月門下侍郎陳希烈同中書門下平章事
六載二月希烈遷左相
十一載十一月制曰先王立政必惟擇賢所以時亮

天功叶修人紀總茲三事是屬中書審于百工僉曰
亞相銀青光祿大夫御史大夫判度支事權知太府
卿兼蜀郡長史持節劔南節度使度支營田等副大
使本道兼山南西道採訪處置使兩京太府司農出
納監倉祠祭木炭宮帑長春九成宮使關內道及京
畿採訪處置使上柱國弘農縣開國伯楊國忠純粹
精明懸解虛受比之管樂文多體要之詞擬于邴魏
武有韜鈴之學直方其道簡易能成往自星郎爰秉
天憲軍國大政弘益滋多則造膝沃心已期王佐彌
綸經濟同致雍熙况南臺冢宰尤思藻鑒西垣鼎座

滂佇燮和會予宿心升爾為相宜兼密啓式總如綸
可守右相兼吏部尚書集賢殿學士脩國史崇玄館
大學士太清太微宮使仍判度支及蜀郡大都督府
長史劔南節度支度營田副大使本道兼山南西道
採訪處置使兩京出納勾當租庸鑄錢等使竝如故
十三載八月以吏部侍郎韋見素為武部尚書同中
書門下平章事
十五載六月玄宗幸蜀次河池郡劔南畱後司勳郎
中崔圓奏西川歲稔民安儲供無缺授圓中書侍郎
同中書門下平章事

七月至普安郡憲部侍郎房瑄從及乘輿見于郡舍
與語甚悅即日拜瑄吏部尚書同中書門下平章事
是日車駕至巴西郡太守崔渙迎謁即日拜門下侍郎
郎中書門下平章事以武部尚書同中書門下平章
事韋見素為左相初崔渙為司門員外郎楊國忠出
不附已者渙以例遷劍南刺史至
是抗詞忠懇皆究理體
玄宗嘉之以為得渙晚

冊府元龜

